

staršich Kalawskeho a Grodkowskeho wokrjesa, kotrymž je přez njerozum samych staršich šuli a wučerjam k woli maćeřna řeč wzata.

Dla wjetšeje přehladnosće njejsym wsy jeno po wokrjesach, ale po jednotliwych wosadach, do kotrychž słušeju, rjadowať, zo by so hnydom widžało, kajka je w kóždej wosadze poměra mjez Serbami a Němcami. Zady kóždeho wjesneho mjena pak sym najprjedy ličbu Serbow, na to ličbu Němcow a skónčnje ličbu wšěch wobydleri stajiť. Při tym hišće sym někotre znamješka trjebať. Znamješko — před ličbu (n. př. — 300) pokazuje, zo je ličba za nim stojaca nanajwyše t. j. skerje přewysoko nježli přenizko wobličena; znamješko + (n. př. + 300) před ličbu pak pokazuje, zo je ličba za nim stojaca nanajniže t. j. skerje přenizko nježli přewysoko wobličena. Prašeńčko ? po ličbje (n. př. 300 ?) ma znamjenje, zo cyle wěstu ličbu zhonić njemóžach. Hwěžka \* zady wjesneho mjena znamjenja, zo ma wjes ryčeřkubło, kotrehož wobsedzeř je němski, křižik † pak, zo ma wjes ryčeřkubło, kotrehož wobsedzeř je serbski, a znamješko § skónčnje zady wjesneho mjena stojace pokazuje, zo su na wjesnych ležownosćach pak brunicowe podkopki pak wjetše fabriki z cuzymi džělaćeřjemi abo zo su we wsy hewak někajke němske wustawy ličbu němskich wobydleri wurjadnje powyšace.

Nimo mojeho ličenja sym tu tež z nowa wšě druhe dotalne wobličjenja Serbow, starše a nowše, officialne a njeofficialne, kelkož bě mi přistupnych, podať, dokelž so mi zda za nas wažne być, zo změjemy raz cyły dotal rozpróšeny material hromadze a přewidnje zrjadowany. Potom móža so přichodne statistiki lóže wuwjesé a skerje hodži so pokazać, hač, hdže a čehodla je Serbowstwa woteběrało abo přiběrało. Hdyž pak so z přirunowanja mojich a wonych wobličenjow dopokaže, zo je ličba Serbow faktisicy wjetša hač je so dotal naličiła a wudawała, dha pak so tola přec njehodži, zo dyrbjała w poměrje k přiběranju ludnosće we Łužicach tola hišće wyšša być, hdy budžechu so tež w našim lětstotku mnozy Serbja njezhubili a to w Delnjej Łužicy přez woprawdžite přeněmčenje wšelakich namjeznych wosadow, w Hornjej Łužicy pak zwjetša